



Broj: 02-04-3-1139

Datum, 16.05.2022 godine

Na osnovu članova 70. i 64.b) Zakona o javnim nabavkama („Sl. glasnik BiH“, broj 39/14), i članova 36 i 89. Statuta Grada Goražda („Službene novine Grada Goražda“, broj: 5/18), uz preporuku nadležne komisije, u postupku javne nabavke opreme za potrebe Službe radio amatera, Gradonačelnik Grada Goražda donosi

ODLUKU
o izboru najpovoljnijeg ponuđača

Član 1.

Prihvata se preporuka nadležne komisije i Ugovor o nabavci i isporuci opreme za potrebe Službe radio amatera, dodjeljuje se najpovoljnijem ponuđaču MIBO komunikacije doo Sarajevo, za ponuđenu cijenu u iznosu od 8.032,00 KM bez PDV-a (ponuda broj: PON-707/22 od 21.04.2022.godine).

Član 2.

Prijedlog ugovora će se dostaviti na potpis izabranom ponuđaču, najkasnije u roku od 15 dana nakon isteka roka za žalbu, pod uslovom da se ne izjavi žalba na ovu Odluku.

Izabrani ponuđač je obavezan u roku od 7 (sedam) dana od prijema Odluke o izboru najpovoljnijeg ponuđača, dostaviti ugovornom organu-komisiji u originalu ili ovjerenoj kopiji dokaze lične sposobnosti propisane u tački 1.2. od (a) do (d) strana 5 tenderske dokumentacije, ne starije od 3 (tri) mjeseca od datuma prijema ponude kod ugovornog organa.

Član 3.

Ova odluka će se objaviti na web-stranici Grada Goražda istovremeno s upućivanjem ponuđačima koji su učestvovali u postupku javne nabavke.

Član 4.

Za izvršenje ove odluke zadužuje se nadležna komisija.

O b r a z l o ž e n j e

Postupak javne nabavke opreme za potrebe Službe radio amatera pokrenut je Odlukom o pokretanju postupka javne nabavke broj: 02-04-3-1139 od 04.04.2022.godine. Obavještenje o nabavci broj: 413-7-1-11-3-13/22 objavljeno je na portalu javnih nabavki dana 04.04.2022.godine.

Procijenjena vrijednost javne nabavke bez PDV-a iznosi 8.032,00 KM.
Komisija za provođenje postupka predmetne nabavke imenovana je Rješenjem Gradonačelnika Grada Goražda broj: 02-04-3-1139 od 04.04.2022.godine

Komisija je dana 21.04.2022.godine dostavila rukovodiocu ugovornog organa, Zapisnik o pregledu i ocjeni ponuda, uz preporuku o izboru najpovoljnijeg ponuđača, koji ujedno predstavlja Izvještaj o radu komisije.

Prema Zapisniku o pregledu i ocjeni ponuda utvrđeno je, da je Komisija blagovremeno i pravilno izvršila otvaranje i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda : 1 ;
- da je blagovremeno zaprimljeno: 1 ponuda;
- da je neblagovremeno zaprimljeno: nijedna ponuda
- da je prihvatljiva ponuda ponuđača MIBO komunikacije doo Sarajevo
- da nije prihvatljiva: nijedna ponuda

U postupku donošenja ove odluke, posebno su cijenjene činjenice da je komisija pravilno i potpuno izvršila ocjenu kvalificiranosti ponuđača, shodno kriterijima iz tenderske dokumentacije. U postupku ocjene provedenog postupka, rukovodilac ugovornog organa nije našao razloge, nepravilnosti, niti propuste u radu, koji bi eventualno bili osnov za neprihvatanje preporuke komisije za predmetnu javnu nabavku.

Naprotiv, u postupku je ocijenjeno da je komisija u svemu pravilno postupila i da je izbor najpovoljnijeg ponuđača izvršen u skladu sa Zakonom o javnim nabavkama BiH, podzakonskim, internim aktima i tenderskom dokumentacijom.

Uvidom u priloženu dokumentaciju, utvrđeno je da je ponuđač MIBO komunikacije doo Sarajevo izabran kao najpovoljniji na osnovu kriterija „najniža cijena tehnički zadovoljavajuće ponude”, jer prema rang listi prihvatljivih ponuda, ponudio je cijenu u iznosu od 8.032,00 KM. Iz naprijed navedenih razloga, primjenom člana 64. stava (1) tačka b) Zakona o javnim nabavkama odlučeno je kao u dispozitivu.

POUKA O PRAVNOM LIJEKU

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke. Žalba se izjavljuje Uredu za razmatranje žalbi, putem ugovornog organa.

DOSTAVITI

1. Ponuđačima, 1x
2. WEB stranica Grada Goražda,
3. U dosije,
4. a/a



GRADONAČELNIK

Ernest Imamović